

یوہنائے سئیمی کاگد

یوہنائے سئیمی کاگدئے پجار

یوہنائے سئیمی کاگد گؤن دُرؤت و
ذرہبات و کاگدئے نبشته کنؤک و ہما
مردمانی پجارا بندات بیت کہ آیانی ناما
کاگد نبشته کنگ بوتگ. یوہنائے سئیمی
کاگدئے نبشته کنؤک و تا ”گماش“
گوشیت. کماشئے گال پہ کلیسائے ہاسین
سرؤک و اُستادان کارمرز بوتگ. اے کاگد
گؤن یوہنائے اولی و دومی کاگدا سک
ہمرنگ انت، پمیشکا پاکین کتابئے
گیشتَرین زانتکار گوشنت کہ اے کاگد
ہم ایسائے کاسد یوہنایا نبشته کرتگ.

اے کاگد گایوس نامین مردمیئے سرا
نبشته کنگ بوتگ کہ کلیسای سرؤکے و
گؤن یوہنایا نزیک انت. یوہنا سہیگ

بیت که گایوس په وپاداری راستین راها
 انت، گڑا په گایوسا کاگدے نبشته کنت و
 گوشتیت که منی دیم داتگین باورمندانی
 هئالداریا بکن. یوهنا اے ارادها هم زاهر
 کنت که من وت همودا تئی چارگا کایان
 و دیوثریوسا نهر و هگل کنان، چیا که آ
 منی اهتیارا نمئیت و مساپرین
 باورمندانی هئالا نداریت.

یوهنائے سئیمی کاگدے اهمین گپے
 اش انت که راستیئے مئوکین باورمندانی
 هئالداری کنگ بیت. راستیئے مئوک هما
 انت که آیانی کرد شر انت و مهربان و
 مهماندار انت.

سلام و دروت

① چه کلیسائے کماشئے نیمگا په
 دُردانگین گایوسا که په دل منا سک
 دوست انت.

۲) او دُردانگ! دُوا کنان کہ تئی

سجھین کار پہ شری دیما برئونت و تئی
جسم و جان، ہم تئی روہئے پیما ذراہ

و سلامت بیت. ۳) باز گل و شادان

بوتان کہ لہتین سنگت آتک و گواہی اش
دات کہ تئو راستیئے وپادار ائے، بزان

وتی زندا راستیئے سرا گوازیںگا ائے. ۴)

ہج چیز منا چہ اشیا گیشتر شادان نکنت
کہ بشکنان منی چک راستیئے سرا زند
گوازیںنت.

براتانی مدت کنگ

۵) او دُردانگ! تئو براتانی سجھین

کاران گؤن وپاداریا کنئے، ثرے آ بیگانگ

بنت. ۶) آیان، باورمندانی دیما پہ

تئی مہرا گواہی داتگ. اے سگین شریں
کارے بیت کہ تئو آیان ہما پیما سات و

سپرا رئوان بکنئے کہ ہدائے رزا انت. ۷)

چیا که آ په هما نامئیگی سر گیتگ انت
و چه ناباوران کُمکے نگیتگش. ۸ گڑا
ما باید انت چُشین مردمان مَدَت بکنین،
تان ما په راستیئے دِیما برگا همکار بیین.

۹ چیزے په کلیسایا نبشتگن، بله
دیوثریپیس که مستریئے لوٹوک انت،
مئے اهتیارا نمئیت. ۱۰ وهدے وت
بیایان، آییئے کارانی هساب و کتابا کنان،
چیا که مئے هلاپا دروگین بُهتام شنگ و
تالان کنگا انت. په اینچکا هم بس نکنت،
براتان وشاتک نکنت و آ دگران هم که
براتان وشاتک کنگ لوٹنت په اے کارا
نئیلیت و آیان چه کلیسایا در کنت و
گلئینیت.

۱۱ او دُردانگ! بدیئے رَندگیریا مکن،
نِیکِیئے رَندگیریا بکن. هرگس که نِیکِی
کنت چه هُدائے نِیمگا انت، بله آ که بدی

کنت هُدایى ندیستگ. (۱۲) سَجَّهینان،
دیمیثریوسئ بارئوا شَرین گواهی داتگ،
تنتنا راستیئ جندا هم. ما هم همے دُئولا
گواهی دئیین و وِت زانئ که مئے گواهی
راست و برهک انت.

گڈی هبر

(۱۳) بازیڼ چیزے هستات که په تئو
بښشتینان، بله نلوټان گوڼ کلم و کاگدا
بښت. (۱۴) اُمیتوار آن که په همے زوټان
ترا بگندان و دیم په دیم گپ و ثران
بکنین.

(۱۵) ترا سُهَل و آسودگی سر بات!
دوست ترا ذرؤت و درهبات گوشنت. تئو
هم دؤستان یک یگا په نام، سلام سر کن.